

雲南通志

373.5  
7427  
:1

40350

34

1124

勅書纂纂院右副御史總督雲南等處地方事務兼理糧餉加級紀錄千次臣尹繼善等謹

題爲纂修雲南省志成稿謹奉

表恭

進者臣等誠惶誠恐稽首頓首

上言

伏以

聖治覃敷萬國慶車書之會

帝光遠被八方騰奎壁之輝

採志乘於遐陬遍覽民風土俗

集圖書於祕府彙成寶籙瑤函蓋功德旣邁帝而超王

雲南通志

卷之首

表

則著述宜信今而傳後永誌方輿之勝聿彰遠大之  
模謹輯新編恭呈

御覽竊惟南交昧谷宅平秩於堯封黑水梁州奏隨刊於  
禹貢產里來王景亳濮人大會孟津雖屬僻處之邊  
隅久載古來之簡策迨楚蹻略地而後漢武置郡以  
還風氣漸開載籍略備書傳益部昉自東京記號南  
中等諸逸史樊綽之屬辭紀事李京之問俗辨方皆  
隨漁獵爲見聞僅存什一於千百卽包劉合撰亦多  
前後牴牾楊李遺篇未免參差缺略欣逢

盛世著有成書事旣信而足徵詞皆典而可則然歷年

已久增郡亦多治與道同政因俗易凡山川疆域之勢經畫規制之詳必考訂之無訛庶參稽之有藉仰惟我

世宗憲皇帝

德合兩儀

智周萬物

聲名施及蠻貊存神過化基治平於億萬斯年

覆載莫不尊親異俗殊方頌懷柔者千八百國卉衣椎結之衆咸被服乎詩書刀耕火種之鄉胥咏歌夫樂利千羽列虞廷之舞梯航繪周室之圖

雲南通志

卷之首

表

二

特沛綸音增修省志是用尅期開局因而素部分編次第成書參詳授梓欽惟我

皇上

學本性成

聖由天縱

纘丕顯丕承之緒仁風披拂咸歌至治馨香

迂浸昌寢熾之庥化日舒長共慶太和翔洽當

聖德維新之日適滇志告成之時體裁原本於舊函事蹟

博稽夫羣論藝文首

宸翰倬雲漢以爲章制作紀

皇謨與日星而竝麗列輿圖以便觀覽記經費以謹度支著水利以重農功核積貯以裕

國計略於前志增在今編至於山川賦役人物秩官悉綱舉而目從亦門分而類別紀地則蒙蕃交緬壤接六詔之區占星則井鬼參狼野分兩迤之域問南方之珍異百昌暢茂寧僅蒟醬檀花遵王路之蕩平九折坦夷非復蛇盤頰水安內攘外尤謹兵防展土籌邊先詳建置收軼事於九隆十賧疆戎索於六慰三宣總三十卷朗若列眉舉數千里瞭如指掌既開雕以成帙敬裝繕而進

雲南通志

卷之首

表

三

呈臣等學識空疎見聞寡陋生逢

景運喜一道而同風職任總裁敢遠稽而近考雖辨而不華質而不俚有愧著作之三長然言以足志文以足言勉竭芻蕘之一得伏願

柔遠能邇

彰往察來

披圖成聚米之觀銅柱鐵橋鞏河山於永固

展卷仰同文之治碧雞金馬瞻雲日於常新樂熙皞而頌昇平非徒慶土宇版章之盛沐生成而沾化育咸永爲日用飲食之民矣臣等無任瞻

天仰

聖激切屏營之至謹奉

表恭

進以

聞

乾隆元年 月 日 帝 尊 奉 聖 訓 德 澤 廣 遠 萬 民 仰 慕 聖 德 感 佩 五 內 震 懼 稽 顙 叩 首 謹 書

巡撫 嚴 嵩 奏 為 聖 德 廣 遠 萬 民 仰 慕 聖 德 感 佩 五 內 震 懼 稽 顙 叩 首 謹 書

雲南通志

卷之百

表

四

雲南通志修輯職名

總裁

省都察院都御史總督雲南貴州等處兼理糧餉兼向思洽等奉聖 鄂爾泰

李天保都察院都御史總督雲南貴州等處兼理糧餉兼向思洽等奉聖 高其倬

兵部尚書兼都察院都御史總督雲南貴州等處兼理糧餉加二級紀錄五次 臣 尹繼善

巡撫雲南兼理糧餉兼督貴州等處兼理糧餉加二級紀錄五次 臣 張允隨

叅閱

提督雲南學政翰林院編修原任雲南道監察御史 臣 吳延熙

日講官起居注提督雲南學政翰林院侍讀加二級 臣 吳應枚

監修

雲南通志

卷之首

職名

五

雲南等處承宣布政使司布政使加六級降二級留任今陞刑部右侍郎 臣 葛 森

雲南等處承宣布政使司布政使加一級紀錄一次 臣 陳弘謀

雲南等處提刑按察使司按察使加二級紀錄二次今陞貴州布政使 臣 馮光裕

雲南等處提刑按察使司按察使加三級紀錄五次 臣 徐嘉賓

提調

督理雲南屯糧儲蓄水利道加二級又軍功加級紀錄次今陞廣西按察使 臣 黃士傑

督理雲南分巡通省清軍驛傳鹽法道按察使司副使加一級紀錄一次 臣 張無咎

署理雲南分巡迤東道加一級紀錄二次 臣 王廷琬

雲南分巡迤西道按察使司副使加二級 臣 雷之瑜

董理

署雲南府印務開化府知府臣宮爾勸  
雲南府知府臣儲之盤  
纂修

翰林院庶吉士原署姚州知州臣靖道謨  
分修

和曲州知州臣徐修仁

雲龍州知州臣徐本僊

平彝縣知縣今署劍川州知州臣高為阜

原署江川縣知縣臣蔣敦淳

署平彝縣知縣臣李本澹

雲南通志

卷之首

職名

六

署河陽縣知縣臣蔣雯

原任貴州普安州知州臣金灝

原任浙江遂安縣知縣臣何其偉

原任湖廣黃安縣知縣臣張琮

臨安府儒學教授臣夏冕

麗江府儒學教授臣萬咸燕

署鶴慶府儒學教授臣趙淳

羅次縣儒學訓導臣李可栻

江南宣城縣生員臣梅瑒成

校對

署富民縣知縣臣尹祖伊

學習進士臣李作梅

元江府儒學教授臣楊薰

宜良縣儒學教諭臣程雲路

易門縣舉人臣趙正紀

尋甸州舉人臣余其祥

通海縣舉人臣董繼舒

姚安府經歷臣徐起元

監刻

原署江川縣知縣臣蔣敦淳

雲南通志

卷之首

職名

七

學習進士臣李作梅

姚安府經歷臣徐起元

雲南通志凡例

一舊志成於康熙三十年體裁義例雖已詳備但歷今四十餘年

國家重熙累洽制度日新舊志中有宜增入者亦有可兼括者斟酌繁簡共成三十卷非敢求異前人總欲期於允當也

一志必首圖舊矣以全省之山川繪於尺幅恐不能條分縷晰毫髮無遺憾也圖宜繫以說郡治之山自何處與省治分支州縣治之山自何處與郡治分支郡治與州縣治之山有與外省外郡犬牙相入者悉著

雲南通志

卷之首

凡例

八

明之庶就說攷圖數千里之疆域形勢瞭如指掌矣舊志缺然今爲增入

一舊志有大事考中間所志不外建置學校田賦兵防諸事若本志不載則原委不清若兩處俱載則辭義多複今將考內事蹟分別載入諸志中使各從其類以免煩複之失

一疆域山川編次略異舊例舊以郵傳附於疆域關哨津梁附於山川然山川乃天地自然之位置關津則王者慎固封守利用前民之制度人之所爲與天之所設不同至於郵傳以通達道路與關津一例故周

禮掌節一官與司門司關俱掌於司徒而彤方氏掌邦國之地域而正其封疆者則隸於司馬今以關哨郵傳津梁俱移附城池從其類也

一山川分類原以大小爲序故水之類首江次河次海次湖次川次溪次澗次池池之後於諸水以其不過一勺與沼沚相類若今之滇池志稱周三百里古以名國實爲全省巨浸今泥於池之名列之溪澗之下其支流之稱江稱河者反居其上於義未安按現修一統志例五岳四瀆列山川之前不以類敘亦不論方向滇池應倣此例其餘仍各以類從

雲南通志

卷之首

凡例

九

一學校從前志書俱以

文廟屬於祠祀舊志獨改列學校今自

世宗憲皇帝加封

先聖五代崇儒重道曠古獨隆不與社稷山川祠祀並列誠爲允協丁祭禮樂前志因總督范承勳繕製始悉行繪圖詳註第通志原以志一省之事數十年來郡邑課程秩官諸項各有增益紀載繁多文廟禮樂乃天下所同宜從裁減其繕製所自始仍當志之一兩稅之外物土之宜以裕國用皆謂課程爲目有四鹽法錢法稅課廠課舊志附課程於鹽法似於綱目

未清故今以課程爲綱鹽法爲課程之目  
一賦役課程以綜財用之入經費以紀財用之出積貯以備軍國緩急之需匪頒有式發斂以時經國之遠謨也爰將經費積貯各成一志補前志之所未及焉  
一閘壩堰塘舊附城池然滇省地勢山崇水迅土田高仰水之爲利者什九害者什一修築濬導之有方可全利而無害今且設官專理迤東西兩監司及州縣佐治官各兼管水利誠百世永賴也應以水利另爲一志  
一太守表率一郡牧令職在親民

雲南通志

卷之首

凡例

十

聖主引見必詳爲

訓諭誠重其選也前志秩官紀名至監司而止今增入本朝府州縣俾姓氏昭然耳目庶後之觀者孰賢孰否觸目警心實寓勸懲之道

一使命師命舊附封建志謂其功在邊陲與帶礪之盟同爲不朽故得竝列按使命中如常類唐蒙諸人開道荒徼諭降諸夷謂與帶礪同可也若尋常皇華之使與茅土之封竝列未免不倫今將使命一條移附秩官之後至師命諸人於師旅考中已經悉見略無遺漏此條竟可不設

一古者入爲卿士出總元戎文德武功交相爲用厥後牧民之長與詰戎之帥雖有分途然受官天朝奔走率職其義一也舊志附武秩官於兵防之後似非文武一體之義今改附文秩官後其兵防則附以師旅考庶歷代安內攘外之謀窮兵黷武之害俱可考鑒其得失焉

一凡賢士大夫之生長其地者謂之人物自從祀學校之鄉賢外其有宦蹟炳著及忠孝文學之士名聞鄉里而潛德幽光尚未獲表章者要皆人物之選也今合舊志鄉賢孝義隱逸增入忠烈宦蹟文學統爲人

物志

一方技舊附隱逸然巢父老萊究不可與越人唐舉同傳改附於仙釋匪唯見出世之學足以齊名三教卽大道之支流餘裔苟精其業皆能有述於世焉

一各省通志藝文之後列雜異一門亦倣史家紀表志傳之外別有載記附錄之例但事雖雜然繁陳必各以類從方有條而不紊舊志於蒙段楊趙諸姓之割據青神谷女壁龍金索之幻怪錯雜紀載殊無倫次今約略以殊方軼事異蹟遺文別爲四目庶少有條理

雲南通志目錄

卷之一

圖說

卷之二

星野  
氣候附

卷之三

山川

卷之四

建置

卷之五

雲南通志

卷之首

目錄

三

疆域  
形勢附

卷之六

城池  
關哨郵傳津梁附

卷之七

學校  
書院義學書籍附

卷之八

風俗

卷之九

戶口

卷之十

田賦

卷之十一

課程

卷之十二

經費 賞卹附

卷之十三

水利

卷之十四

積貯

卷之十五

雲南通志

卷之首

目錄

三

祠祀 寺觀附

卷之十六

兵防 師旅考附

卷之十七

封建

卷之十八

秩官一

秩官二 武秩使命公署附

卷之十九

名宦 忠烈附

卷之二十

選舉一

選舉二 武科辟薦附

卷之二十一

人物一

人物二

卷之二十二

列女

卷之二十三

流寓

雲南通志

卷之首

目錄

四

卷之二十四

土司 種人附

卷之二十五

仙釋 方技附

卷之二十六

古蹟 塚墓附

卷之二十七

物產

卷之二十八

祥異

卷之二十九

藝文一

藝文二

藝文三

藝文四

藝文五

藝文六

藝文七

藝文八

藝文九

藝文十

卷之三十

雜紀

雲南通志

卷之首

目錄

十五

右通志三十卷編次間有與舊志異者古者左圖右史故圖居卷首萬物之精上為列星故星野次之敷土之績首奠山川故山川次之天地定位人事起焉故次建置疆域城池建國君民教學為先故次學校教化行則風俗美故次風俗何以守位曰人何以聚人曰財故次戶口田賦課程有財而後有用故次經費開財之源莫如水利節財之流莫如積貯故次水利積貯國之大事

在祀與戎故次祠祀兵防有治法必賴有治人樹之后  
王君公承以大夫師長有功德於民者則名不朽焉故  
次封建秩官名宦興賢舉能良司牧之首務也故次選  
舉激勸行而後人才出故次人物次流寓於列女者不  
以外先內也次仙釋於土司者不以方外先王官也人  
往而蹟畱故古蹟次之地不愛寶則百昌遂故物產次  
之天不愛道則休徵至故祥異次之經緯天地潤色人  
事莫大於文章故終之以藝文而歸其餘於雜紀焉